

中江縣新志卷三

田賦志

國賦

中邑叢山複嶺土多田少無西川膏腴之壤故定賦以中  
下爲則自明季獻賊之變田土荒蕪戶口寥落我

國家休養生息垂二百年

深仁厚澤淪浹肌髓康熙二十五年以川省地方初靖宜加培  
養所有未完錢糧悉蒙豁免除并二十六年應徵錢糧俱  
蒙蠲免三十三年四十二年再沛優恤蠲免錢糧兩次  
五十年晉免錢糧并免徵舊欠一次雍正八年以西藏

中江縣新志

卷三

田賦

國賦

一

用兵有資民力額徵地糧銀悉行蠲免乾隆十一年三  
十二年普免錢糧兩次火耗銀緩至三十七年帶徵三  
十七年應徵地丁正銀又蠲免十分之三火耗銀緩至  
次年帶徵三十八年三十九年以用兵金川應徵地丁  
正銀俱免十分之五火耗銀悉緩至次年帶徵四十年  
平定金川又蠲免十分之七火耗銀緩至四十一年帶  
徵四十三年地丁正銀全數蠲免火耗銀緩至四十四  
年帶徵五十六年嘉慶元年正銀全蠲火耗銀緩至次  
年帶徵二年以教匪滋事蠲免正銀十分之二惟火耗  
全數徵解五年以教匪蹂躪全數蠲免七年蠲免正銀

十分之四八年蠲免正銀十分之三二十四年

萬壽覃恩川省查無積欠蠲免二十五年正賦之二大哉

聖朝之德天高地厚至極而無復加矣溯自勘丈以來開闢日  
衆生殖愈多野無曠土賦不加增我蜀民之含哺鼓腹  
嬉遊於

光天化日之下者宜何如感激而圖報也按全書原載糧畝自  
康熙三年清查中田每畝載糧八合二抄下田每畝載  
糧六合一抄中地每畝載糧四合下地每畝載糧二合  
五勺二抄原載稅糧八百九十七石四斗一升八合六  
勺七圭九粒一粟每糧一石徵糧銀一兩五錢七分九

### 中江縣新志

卷三

田賦

國賦

二

釐四毫以糧五斗一升八合九勺六抄載丁一丁每丁  
徵銀一兩一錢四分八釐七毫七絲三忽原載人丁一  
千七百二十九丁二分六釐三毫五絲五微七塵八纖  
原載丁糧銀四千四百三十四兩八錢四分四釐四毫  
二絲一忽六微九塵六纖五十一年丁冊定爲常額續  
生人丁永不加賦雍正七年丁條糧合併積算按畝徵  
銀乾隆五年零星開墾永免陞科迄今道光十九年除  
藉田不徵丁糧外墾輸中出一千三百六十二頃二十  
一畝八釐每畝徵丁糧三分九釐應徵丁糧銀五千三  
百九十八兩八錢六分下田五百九十七頃九十六畝

一分三釐每畝徵丁糧銀一分八釐應徵丁糧一千七  
十九兩五錢九分中地一千九百八頃八十三畝九分  
九釐每畝徵丁糧銀一分二釐應徵丁糧銀二千三百  
七十七兩一錢三分三釐下地八百九十五頃五十畝  
八分六釐每畝徵丁糧銀七釐應徵丁糧銀六百三十  
八兩二錢一分乾隆四十九年黃菁等補首中田二頃  
二十四畝應徵丁糧銀八兩八錢七分七釐下田九十  
六畝應徵丁糧銀一兩七錢三分三釐現在中下田地  
共四千七百六十七頃七十二畝七釐每年額徵丁糧  
正銀九千五百四兩四錢六釐火耗銀一千四百二十

中江縣新志

卷三

田賦

國賦

三

五兩六錢六分九毫康熙九年奉文加徵閏銀查照全  
書核算每正銀一兩應徵閏銀四分三釐八毫五絲零  
閏年額徵地丁正銀九千九百二十一兩二錢五分火  
耗銀一千四百八十八兩一錢八分七釐五毫乾隆四  
十八年原編人丁二萬二千七百四十六丁嗣後生齒  
漸繁至道光十九年現計承糧民戶男五萬五千三百  
一十九丁婦五萬一千六百一十七口共計男婦十萬  
六千九百三十六丁口

邑境下村舊產鹽井明末寇亂井引數目無考每大引一  
張載鹽二萬二千觔

初年以蜀省人民凋殘食鹽無幾每水引一張載鹽五十包徵稅銀三兩四錢五釐陸引一張載鹽四包徵稅銀二錢七分二釐四毫每井一眼徵課銀四錢嗣水引每張徵羨銀四兩九分五釐徵截銀一兩陸引每張徵羨銀四錢七分七釐六毫徵截銀四分八釐井每眼徵羨銀二錢至今以爲定額中江水引初行彭水縣截角陸引行茂州郫縣新繁崇寧什仿灌縣等處截角并繳康熙年間計舊新鹽井五十六眼水引四十八張陸引二百四十五張徵課銀二十二兩四錢稅銀二百三十一兩一錢七分八釐雍正八年請領陸引共四百五十一

# 中江縣新志

## 卷三

田賦

國賦

四

張給竈戶行銷繳課共井一百九十九眼時水旺僅敷配引乾隆十七年知縣同保請增陸引八百六十三張竈戶力難賠課控制府批飭查議郡守查明縣產鹽劬實僅配陸引二百張餘六百六十三張係知縣同保冒昧浮增參取職名聲請咨銷適巴縣請增富順廠水引三百張鹽道善飭將中江縣無鹽廠銷浮引六百六十三張折抵水引五十三張改撥巴縣承辦并飭巴縣另增富順水引一百張三十四年巴縣請飭撤回知縣王定九以縣廠井涸各竈戶請領陸引頻年白截勢難再領請將浮引咨部更正奉護理鹽法道蘇批飭巴縣迅

速具領四十八年知縣潘宏選以井涸柴貴引滯課縣  
經竈戶上控奉飭調劑議縣民照計口食鹽之例按年  
認領引張自赴井廠採買分銷稅羨攤入地丁完納通  
詳允行嘉慶二十一年奉文飭領巴縣代銷浮引知縣  
多齡額以前井多水旺尙不敷配大府查令巴縣代銷  
自乾隆十七年後縣井節報坍塌今僅存一百二十五  
眼較前有減無增現在課歸地丁所領陸引三百九十  
三張歲係空領空繳奏報商民皆虛若再領浮增引張  
不但無商承辦抑且無鹽可配課稅何出况巴縣自請  
增水引代銷已六十餘年辦有成效若令乘機卸出從

### 中江縣新志

#### 卷三

#### 田賦

#### 國賦

#### 五

茲彼推此諉究於鹽法無益應請詳制府咨部立案或  
巴縣今亦不能領行亦應請咨部裁汰以歸覈實再請  
得仍如舊先是中江除改撥外實存腹引既攤入地丁  
而其邊引則係黃文中承辦年老辭退有陳廷瑞捏以  
子承父業冒姓接充嘉慶十一年經府訊革招商樂山  
縣人羅冲改名玉津承充因鹽不敷配兩次改撥犍商  
代銷時羅冲僅領犍邊水引獲利腹引稅羨仍歸縣民  
賠累士民連年上控批府訊明革退道光五年招商孟  
集成承辦配犍行黔水引一百四十一張合辦計口陸  
引三百九十三張稅羨照例完納不復攤累糧民道光

七年復奉飭領浮引署知縣孔昭焜知縣林振榮疊請如舊例不許旋令商勉強承領而苦累難堪矣計今現額鹽井一百二十五眼歲徵課銀五十兩羨截銀二十五兩水引七十四張歲徵稅銀二百五十一兩九錢七分羨截銀三百七十七兩零三分新增犍廠水引六十七張歲徵稅銀二百二十八兩一錢三分五釐羨截銀二百二十兩零七錢六分五釐每水引一張配犍爲廠鹽五千七百五十觔運赴黔省發賣計口陸引三百九十三張奉文飭領巴縣代銷浮增陸引六百六十三張歲共徵稅銀二百八十七兩六錢五分四釐四毫羨截

中江縣新志

卷三

田賦

國賦

六

銀五百五十五兩零三分三釐六毫每陸引一張配本邑井鹽四百六十觔在本處發賣通計歲徵引稅井課羨截銀一千九百九十五兩五錢八分八釐印官解赴鹽道庫完納支撥縣境水陸隘口三處二水口羅家場興隆場歲支書巡工食銀三十兩在課稅內扣支

縣境舊不產茶民間飲茶皆購於他邑原額行銷茶邊引十張歲徵課銀一兩二錢五分徵稅銀四兩七錢二分羨截銀二兩六錢六分茶腹引二十張歲徵課銀二兩五錢徵稅銀五兩羨截銀四兩三錢六分隨引帶銷餘茶照票二十張歲徵銀二十一兩六錢其引每張皆配

茶一百一十四觔商赴什加縣收買運回縣境截角發賣通計歲徵稅課羨截餘票銀四十二兩零九分印官解赴鹽道庫完納支撥

田房稅契原徵銀三百一十兩二錢五分嘉慶十六年歲加增贏餘銀九百兩

城內小西街舊設當舖一座大東街新設當舖一座歲徵稅銀共十兩

牙行歲徵稅銀四兩 以上三項俱印官徵輸申解藩庫收貯撥支

常平倉舊額設倉斗穀九千九百六十石監倉倉斗穀九

### 中江縣新志

卷三

田賦

國賦

七

千四百三十石乾隆三十七年奉文碾辦軍米碾動監倉倉斗穀一千八百四十四石四十三三年奉文碾運接濟江南碾動監倉倉斗穀四千石均即先後赴司領價每石發銀五錢五分如數買補還倉嗣後屢請平糶出借倉穀悉當經買補收還至嘉慶十六年通計貯穀二萬四千石道光七年奉文籌撥兵米知縣林振榮出糶倉斗穀一萬一千石價銀悉解藩庫今祇存倉斗穀一萬三千石

藉田歲收租錢十三千文以六千文賞給夷民餘七千文作先農壇祭祀之用并助給各鄉義學斗息不敷之費

民儲

社倉明景泰間知縣胡叔寶置義倉二所山迴鎮保安鎮萬曆五年知縣陶顯功奉文置社倉九所仰止亭華嚴寺成道寺法會寺法海寺會清寺藥師院堯興寺法安寺

國朝乾隆年間舊設社倉共計倉斗穀九千三百七十六石分貯四鄉龍居寺赤足寺建福寺淨隱寺青市鎮觀音寺廣福寺石福寺天后宮南門外黃姜寺安家溝清溪河會清寺銅山寺金龍寺劉場馮店埡梅子埡洪端寺駟馬寺南峯院井基寺龍安壩普陀寺關帝廟法安寺

中江縣新志

卷三

田賦

民儲

八

灌頂寺胖子店七泉寺牛心山蓮花寺蟠龍寺新場等三十四處共倉廩六十六間今現存社倉九十二處設立社長一百七名共計倉斗穀九千四十四石八斗二升八合五勺

按社倉之弊不責之官則鄉民或不足恃一責之官而吏胥因緣爲奸社首更替之交春秋收放之會往往故意勒捐百端需索以故良民苦累莫不視爲畏途計圖推脫而狡黠漁利之民遂與書役朋比作弊致使良法美意不惟無益而反有害皆奉行者之過也有治人無治法以實心行實政朱子有知當必有厚望於今人也



濟田嘉慶二十二年奉川北道詳請制府飭諭士民公買  
田土收租以備饑饉知縣多齡額謀諸閭邑按地丁銀  
公攤計共納糧民制錢五千七百五十三千九百五十  
四文一置買縣北十六里泉水灣蔣姓田業一契計田  
二百六十三畝二釐六毫土二百餘畝載糧六斗六升  
五合六勺八抄北至山頂與陳姓分水界西至與李姓  
分水直至山頭曲轉蔣姓墳左山嶺分水界由墳山脚  
曲轉橫過李姓流水溝心界南至與鄧姓流水溝心界  
曲轉溝埂橫過河邊曲上堰口界東至河心界直上抵  
張姓山嘴轉上山嶺分水界業內木裝瓦房一院共偏

中江縣新志

卷三

田賦

民儲

九

正大小三十七間樓門二座瓦房牛欄猪牢五間草房  
牛欄猪圈四間外草房二座碾磨二架草書房一座河  
堰一座大小塘堰四口去價錢四千二百千文一置買  
縣南十里丁家嘴劉姓田業一契計田九十五畝三分  
七釐一毫土五十餘畝東至與樊許程王四姓界南至  
與陳姓老業主并林姓界西至俱與林姓界北至與李  
林陳三姓下至謝姓墳後連許樊二姓河堰界內瓦房  
一院正房倒廳左右廂倉廩牛欄門牕石磨俱全獨佔  
塘堰一口河堰二節與林姓均佔大塘一口去價錢一  
千六百四十千文泉水灣全業取佃戶壓租錢四百千

文丁家嘴全業取佃戶壓租錢一百五十千文合糧民攤項共錢六千三百三千九百五十四文田價共去錢五千八百四十千文餘錢四百六十三千九百五十四文存戶科以備培補塘堰房屋之用

濟倉五廩在常平倉房內丁家嘴佃戶二家歲納乾潔倉斗穀一百一十六石泉水灣佃戶三家歲納乾潔倉斗穀三百一十石外蓄樹株限三年一次繳錢二十千文各佃認耕濟田具結存檔不得轉佃他人印官仍須隨時稽察

濟穀自嘉慶二十三年至道光五年計共收倉斗穀三千

### 中江縣新志

卷三

田賦

民儲

十

四百八石六年邑旱賑發倉斗穀二千一百一十二石八斗十七年奉文變賣倉斗穀三千四百七石二斗易銀申解藩庫縣僅存倉斗穀三千石十八年邑境大旱斗米千錢饑民蜂屯蟻聚幾數萬人現存濟穀不足支數日之糧與當日飭令糧民攤錢置買濟田之意竟如畫餅司民牧者顧名思義則設遇饑饉無業之窮黎必存活者無算也

### 荒政篇并序

邑人 李 箠 可亭

乙酉春吾邑歲旱斗米千錢民心惶惑邑令羅實齋先生多方賑濟而奸民黠吏因緣爲奸實惠不至怨讟繁

與奉行者之過歟然仁人君子之用心不可沒也因爲四詩以紀之

勸捐請富戶

勸捐請富戶邑宰書名尉爲主紛紛縣帖下鄉村昨日無名今日補公堂開富者來富者半不來閉門高築黃金臺官符急如箭明日重開宴畢竟錢有神胥吏爲除名其餘勉強趨公庭按冊查名心各驚鄉愚不知官長貴一升一斗當面爭彼富者穀是饘是粥柴薪之費夫役資令以清俸補不足吾聞天之道虧盈帝之德好生救災恤鄰仁者之心如毛斯拔吝勿與不知九原何處

中江縣新志

卷三

田賦

民儲

十一

用黃金

設粥賑貧民

設粥賑貧民男敝西門女東門一家同至中路分婦人攜子翁抱孫門外領籤如考試門內點人查姓字昨日人少今日多近者先來遠後至兩敝開聲如雷盛以瓦缶掬以指計口一盂各歡喜續命兮滄海粟陳照影兮滄浪水清延殘喘於將絕兮嗟爾民人廚人走報粥完矣衆議調停繼以米米如金勿浪與橫陳幾處饑民死治其事者邑紳衿析薪數米如婦人指揮羣丐多意氣提防夫役誠苦辛懸牌限辰已過午山門閉可憐後至

防風氏含悲忍餓空歸去

### 施米開濟倉

施米開濟倉欲發不發難猜詳里保沿門查戶口紳士抱簿升公堂公堂日三四戶口冊不至自春及夏五閱月過盡凶年議不決荒政聚民濟倉以名胡爲利藪視胥吏乃與紳士爭胥吏不敢爭阻抑使不行聚米爲山朽蠹生積骸遍野餓殍盈一朝牌示期定矣先發城中後鄉里極貧次貧仍不分計口授糧一升米人浮於米胡不知索米不得疑其私况兼里正入私橐侏儒自飽朔自饑弊生於利明允乃濟轡策不施奸黠吏我民安

## 中江縣新志

卷三

田賦

民儲

十二

矣賢侯去

### 減價糶常平

減價糶常平常平價減市價增應減而反增常平之米不濟貧奸民日領三百斛須臾粗糲成精鑿公物居然奇貨居獲三倍利一斗粟出票而入籤多得米兮胡能然左右而望賈之貪上下其手吏之奸或升或斗官爲限別有調停君不見已恣吞噬入私囊更假贏餘作情面貧民持數錢瑟縮不敢前徘徊至日暮爲報倉場米已完明朝來更早費盡經營錢較少六千糶盡官倉粟烏雀長饑虎狼飽人心險陂禍之胎戾氣感召天爲災

溺不能援反下石弱肉強食真可哀官之仁政民之福  
狐兔縱橫肆其毒君不見秋風陰雨古牆深夜夜煩冤  
新鬼哭民懼鞭笞避牆下  
牆圯壓斃數人

中江縣新志

卷三

田賦

民儲

十三